



# АҚИҚАТ

ҰЛТТЫҚ ҚОҒАМДЫҚ - СӘЯСИ ЖУРНАЛ

[www.akikatkaz.kz](http://www.akikatkaz.kz)



[www.facebook.com/akikatkaz](https://www.facebook.com/akikatkaz)



[www.twitter.com/akikatkz](https://www.twitter.com/akikatkz)

akikat1921@mail.ru



№11 • 2014



Серік ЕРҒАЛИ,  
«Тұран-Астана» университетінің  
магистранты

**Біз көшілі қогамның мемлекеттік болінісін талдау арқылы оны насыхаттаудан аманбай және де мазмұны мен құндылығы күн откен сайын құлдырап бара жасқан отырықшыл қогамның идеалдық еділ формациясы болып табылатын демократиялық ел билеу үлгісіне де тиісіден аулақты. Мақсат – елдік құрылымды өзгөндік ықпалды қозқарасынсыз қарастыру.**

XXI ғасырдың «қорасына» кірдік. Заманымыз жаһандану құйынын тұрғызуда. Жаһандану дегеніміз – аула таңдамайтын құбылыс, қай ұлт екенің есепке алынбайды, ең бастысы - 7 млрд. адам үшін «таңдаулы» жасампаздар мен ондірімпаздар болады да, сол «таңдаулы» жалпы адамзаттық билеушілер мен байлардың тауары мен идеологиясының 7 млрд. Адам ата ұрпағы жасапай тұтынуышы болмақ. Бұл тұтынушылық күнделікті күйбен тірлікten арыла алмайтын әлеуметтік ахуалмен шектеледі және даму жолындағы елдер солардың жоспарымен жатып-тұрып, жерін экологиялық катерге тіктірген үлкен зауыт-фабрикалардың күресіне, құл-қоқыстардың үйіндісіне айналдыру қаупі бар. Ал, рухани салада материалдық және идеологиялық жоспармен тірлік кешетін халықтардың бойынан өзіне тән етепелік (этникалық) сипат ешірілмек. Ол ешіру қасақана жасалмағаның өзінде, жаһандық үдерістің барысында басқарылуға ынғайлы бірыңғай жаһандық халық түзілсе, Алла жаратқан «бірін бірітануға» қажетті қасиеттеген қағыс қалатын нәрсе аз болмақ. «Көппен көретін ұлы той» бола тұра, бұл құбылыс ірі ұлттардың өзі үшін қатер бола бастады, сондыктан,

## ҰЛТ пен РУ

### Және ШАҢЫРАҚ

жер бетін антижаһандану қозғалысы шарнуда. Сөйтіп, жаңа заманың жана үрдісі әлемнің сан жүрттарының алдына екі мәселені қазқатар қойып отыр:

\* жаһандану құйынына жұтылып кетпеу;

\* әлемдік «горе» халықтардың табанында танталмау.

Осы жаһандану үрдісіне сәйкес әр халық өзінің өмір қадамын өлшеп-пішіп, «қайтсек, тірі қаламыз» деген жанталасқа ұрынып, бұл сергелдең экономикада да, саясатта да, мәдениетте де, әлеуметтік салада да басты әрекеттің мәйеғіне айналуда. Бұл жанталасты мемлекеттік аумағы әлемдегі 9-орынды иеленіп, жер байлығы жағынан ағыл-тегіл болып отырған қазақ халқы да кешуде. Алайда, біздің халық жаһандану үдерісіне әзірше өзін тек қана экономикалық жағынан тырбынып, рухани құндылыққа мұрша-сы келмей, біржакты ғана дайындалып жаткан сыйайы бар. Бұл әрекеттің қа-зіргі қарқыны қазақтардың тек қана жақсы тұтынушы болып қалуымен шектелуі ықтимал. Ал, біржакты тұтынушы дегеніміз – тауарды өндіруші мен ұсынушыға тәуелді болу деген сөз. Себебі, қазактар өз елінде де, өңірде де жасампаздыққа толық қөшпі болған жоқ, әзірге ата-баба қалдырған материалдық мол байлықты сатушы ретінде ғана қөзге тұсude. Онын үстіне баба ұрпақтың идеологиялық мұрасына кісімси қарайтын меммендік пайда бола бастағандай... Бұл ұлттық мәңгүрттік пе, алде аңғырттық па? Ата-бабамыз байлықтың үстінде мындаған жылдар бойы тірлік ете жүріп, зергерлікпен түйін түйсе де, жерасты байлығын игеруге неге кіріспеді деген сауалдың жауабы, қөшпелі ұрпақ талай отырықшыл елдерді бағындыра жүріп, өздері сол жүрттардың демографиялық құшағында неге «еріп» кете барды деген сұраққа берілетін жауаппен астасып жатқандай. Ал, бұл жұтылыс әлі

жаһандануға кезікпегендегі сыйқымыз.

Егемен болса да бүгінгі қазак қазіргі жағдайда, отырықшы елді басып алып, өзі соған сіңіп кете барған кешегі баба үрпактың күйін кеше бастағандай әсер бар. Оған өз елінде барған сайын саны арта түссе де, өз тілі мен ділін сақтау мұн болып бара жатқан қазакты тірліктің шындығы ешкімге шубә келтірмей отыр. Қазір елдегі қазактың көшілігі өгей тілмен күн кешуде. Қалалық ұлт бола бастаған қазактардың көбі өз тілі мен ділін өз тірлігіне колданудан қалыш бара жатқандығы құпия болмауда, қалғаны солардың соңынан жетектегі сомпен қағуда! Барлық ділдік нәрі көшермендікке негізделген қазактың ұлттық иммунитеті қызыл империя кезінде-ақ жаңышылған. XX ғасырда бірнеше қоғамдық үдерісті бірге бастан кешкен қазақ пен өзбекті салыстырсақ, өз ділінен өзбектің соншалықты ажырамаудына не себеп деген саяул қолбендейді. Әған басты жауап – қазактың көшпелі өмір салтын жоғалтып, отырық өркениетке ұшырап, ал, өзбектің өз заманында көрген қай құқайды да, өз өмір (отырық) салтымен қарсы алғандығында еді. Яғни, қазақ өмір салтын өзгертуі, соған сойкес идеологиялық және қоғамдық формацияның өзгерісін бастан кешті, ал, өзбектерде өмір салты өзгермегесін, қоғамдық формацияның өзгерісі олар үшін түккө түрғысыз күйінде шыбын құрлы әсері болмады.

Аумақтық және аталық құрылымдар. Әр ұлттың тілі мен дінінен басқа өзіне тән этностық ішкі иммунитеті болады, бұл иммунды қалыптастыратын ұлттың әкімшілік-аумақтық бөлінісі. Бұндай құрылым отырықшыл халықтарда кеңістік-материалдық ресурс бойынша, ал, көшпелі қоғамда адам ресурсы бойынша болып табылады. Мысалы, өзбек тірлігі үшін бұндай құрылымның ең төменгі звеною – қышлақ. Ал, көшпелі қазақ (қазіргі отырықтанған қазақ үшін – ауыл) үшін – өзінің жеті аталығы. Отырықшыл халықтарда бұл құрылым тек қана аумаққа тәуелді, ал, көшермен жүрттарда бұл туыстық-қандық жақындыққа тәуелді. Алайда, конысты жүрттарда индивидуализм – жекедаралықты да сол аумақ туыннатады, көшермендерде уды да, суды да руымен ішетіндіктен колективизм-ұжымдасу аса мығым келеді. Сол себепті,

жеті атаға үйисқан қазақ әлемнің кез келген жеріне ығысса да тұтас күйінде аман қалу көшпелі өмір салтын өзгертуеген орталарға тән. Бұны шығыстыруқстандық қазактардың бірнеше мың жолды кешіп, бірнеше ондаған жылдарға созылған сапарларының сәтті болып Түркияда бір қауым елге айналғанынан көреміз. Дегенмен, отырықшыл жүрттарда индивидуум сипаты басым да, көшермен ортаға социумдық феномен ғана тән.

Қазактардың жетіаталық құрылымы көшпелі ортада қазіргі жергілікті мемлекеттік басқару мен жергілікті өзін өзі басқару аталағын бүгінгі қоғамдық мемлекеттік институттардың орнын басып келген. Бұл құрылымнан тыс қалу елден жырақ кету деген сөз еді. Шамасы, осында құрылымнан аумақтық-отырықшыл ортаға жылыстаған қазактар бұрынғы кезде «сарт» аталаған. Сірә, «сарт» саудагер немесе тек қана қалалық тұрғын емес, ол жеті аталық құрылымнан ада, өз бетімен дара ғұмыр кешумен шектелетін адам ұғымын білдірген. Сол себепті, кез келген қазактың қазактығы - оның белгілі бір жеті аталық етенелікке тиістілігімен өлшенген. Тіпті, қазакқа кірген басқа кірме жүрттардың өзі де өзіне сай «аспан алғы», таңбага ие болып, өз аталығын жасақтайдын. Бұл әрине көшпелі дүниеге тән еді.

XX ғасырдың үштеген екісін қамтыған қазактың отырықшылдық саясаты қазақ халқын бірнеше формацияны билай қойғанда, этнос үшін аса қатерлі өмір салтын өзгертуге мәжбүрледі. Осының салдарынан қазақ әрі қасақана түрде қырғынға ұшырады, әрі қасақана түрде этностық мінезі мен болмысын өзгерти, өзінің ата-бабасының өмір салтына алакөз болуға итермеленді. Десек те, тарихи мұрағатқа айналған рулық беліністі аңсамасақ та, қайта қалпына келтірмесек те, қазақ үшін жаһандану алапатына этностық деңгейде карсы тұрарлық қауқарды қанша жасырсақ та, жеті аталық туыстық қарым-қатынастан ғана ұлттық иммунның ұшын анғарамыз. Бұл туыстық шетелге шашыраған қазактардың өмірі арқылы сынақтан өткен бүгінгі ең тиімді этностық құрылым болып отыр. Бір аталық туыстықка біріккен шалғай шетелдік қазактар бізге шашырамай жетуде, керісінше бұл құрылымнан жүрдай болып, аумақтық құрылымға көшкен ресейлік және өзбекстандық қазактардың жағдайы аландарлық. Қазактың бұл аталық

құрылымы – біртүгас ағзаға тән жасушаның ауырмаған, вируска ұшыратпайтын иммундық қабылеті іспетті.

**Тұсыныл қоғам мен әкімшіл орта.** Барлай қараған адамға көшпелі қоғамда адамдар қоғамдастыры генеалогиялық бөлініске ұшырайды да, ол бір уақытта әкімшілік бөлініс рөлін аткарады. Бұл жайт көшпелі қоғамға ұжымдық (коллективизм) сипат таңады. Ал, генеалогиялық туыстықтың тәрк етегін отырықшылдық қоғамда адамдар қоғамдастыры механикалық сипаты бар кеңістік-аумактық бөлініске ұшырайды да, адамға жекедаралық (индивидуализм) құлық сініреді. **Көшпелі қоғамдағы туыстық деңгейдің шенбері былайша түзіледі:** адам; отбасы (ата-ана және бала); әulet (bir atadan өрбитін отбасылар тобы); аталық (бірнеше атальқ жысынтығы); ру (бірнеше рудың бірігі); ұлыс (тайпалар бірлестігі); ел (ұлыстардың тұстастығы). Сонда отбасынан елге дейін көшпелі қоғам жеті деңгейлі беліністен тұрады, ал, адам – соның құраушы құрамтасы. Бұл беліністің руға дейінгі сатысының тұстастығы барынша берік келеді де, тайпаның, ұлыстың, елдің ыдырауы жиі жүретін құбылыс болғаны рас. Сол себепті, көшпелі қоғамдағы мемлекеттің құрылуы мен ыдырауы жылдам жүреді де, тарих жадында тек қана айтуллылары ғана сақталған. Ал, отырықшы қоғамды қарастырсақ, бөлініс былайша өрбиді: адам; отбасы; маңай (микроаудан немесе қошесе); мекен (кент немесе қаланың болігі); аудан (қала); аймақ (облыс); ел. Көзіміз жетіп отыргандай, көшпелі қоғам адамдар қауымдастырын сатылай біріктіріп басқарса, отырық қоғам кеңістікті (аумакты) бөлініске салып адамдарға сол арқылы билік орнатады. Сол себепті де, көшпелі қоғамда адамның ішкі рухани дамуына қажетті құндылықтарға деңгейдің көйілсіз, отырық қоғамда кеңістікке, айналға керек жасампаздыққа мән беріледі. **Бірінші ортада адамның рухани экологиясы нығайса, екінші ортада керісінше адамның руханияты құлазып, коршаған орта да экологиялық катерге ұшырайды. Көшпелі қоғамда басты ресурс адам болса, отырық қоғамдағы негізгі басқарылатын ресурс материалдық-кеңістік сипатта ие, ал, адам екінші пландарғы ресурс сипатында. Осының өзінен көшпелі өмір салтының сипаты гумандық мазмұнға ие екені байқалады. Ал, конысқұмар қоғам адамның бар күш-куатын**

материалдық игіліктер мен өндірімпаздық-жасампаздыққа бағыттаумен жүргенде адами құндылықтарды амалсыз аяққа басуға мәжбур болатын сипатта ие. Өндірімпаздық әруақытта әкімшілдікке ұрынады және соны өркениетке балап, адамзаттың озат жетістігі санайды. Сол себепті де ежелгі елдер көшпелі қоғамды «командар» (аққу мінезді адамдар - бұл ұғымга аққу құстрым тұмқан бейкун) деп атауын этоним ретінде ғана емес, көшпелі қоғамның сипаттың мойындағанына да көз жіберетін уақыт жетті. Сонымен бірге бұл сөзге «гуман» ұғымы да тегін туыстасып тұрған жок.

Қазақ мемлекеттігіне аса ежелгі киелі (сакралдық) ұштағандық қасиет тән. Бұл философиялық тұжырымды мемлекет орнатушы абыздар математикалық «үшбұрыштың беріктігі» деген қағиданы біліп жүзеге асырғандай қайран қалдырады. Көшпелілер мемлекеті далалық өмірге тән басты үш саланы – билікті, батырлықты, байлықты боліске салып басты үш тарапқа белінген. Осылайша, қазірге дейін өшпеген «ұлы жұзді қауға беріп малға қой, орта жұзді қамшы беріп дауға қой, кіші жұзді наиза беріп жауға қой» деген миссия болісүдің өзі әрбір жұздің тараптың ішіне де сұғына тарапғанына назар аудару қажет. Әр жұздің, тайпаның ішіндегі миссиялардың боліске түскендігі де рас. Және бұған басқа ру-тайпалар тарапынан соншалықты қол сұғы байқалмайды, соған қарағанда әрбір ру-тайпаның өз миссиясы мен қоғамдағы ролі болған және содан ауытқымау қасиетті мұрат тұтылған. Ал, бұл жағдай рулық құрылымның бірынғай көшпелі ұлыстың тұтас мемлекеттік жүйесінен хабар береді. Бұл жүйенің ыдырауы бертін келе, ресейлік отарлау кезінде қазақы руҳтың «өңкей қиқым» деңгейіне түсken, көшпелі сипаттың тәрк етілуінен көрініс табады.

Көшпендейлерге о баста «жол ұстай» – дәстүрге айналған далалық заңға бойысну тән болған. Сонымен бірге, бір ұлысқа енген тайпалар өз ара міндет болісүді жүзеге асырып қана қоймай, оны жазылмаған заң түріндегі далалық құқық дәрежесіне дейін әспеттеген. Осылайша миссия болісу мен оны мұлтіксіз атқару – әркімнің өз жолын біліп, одан тайқымау секілді қatal заңға айналған. «Ханның басын хан алар, қардың басын қар алар, караның басын

қара алар» деген мәтелде ежелгі жол ұстау зандылығы аңғарылады. Осы кисын әу баста монархиялық билік мазмұны Ұлы даала да пайда болған деген болжам жасатады.

**Қожалық құрылым мен Даала идеологиясы.** Әдette казак ру шежірелегендеге тере мен қожаны, төленгітерді халықтан бөле караитыны бар. Алайда, рұлық жүйені көшпелі мемлекет құрылымы тұрғысынан қарасақ, мұның ағаттығына көз жеткіземіз. Айталық, төрениң хандық мәртебеге лайық топ екені, ал, төленгіттің оған қызмет ету міндепті бар екені белгілі. Ал, қожаларды алсақ, олардың әр руда бір-бір әулеттен болғандығын және оның миссиясы теологияға негізделген көшпелі халықтың идеологиясын жүргізу болған. Қазақ молданың «істегенін іstemей, айтқанын істеп», қанша келемеждесе де, қожага ондай келеке қарым-қатынас жүрмеген. Бір сөзben айтқанда, қазақ хандығындағы қожалық құрылым кеңес өкіметінен үш ғасыр бұрын «парторгтық ауқымдағы» идеологиялық қызметті атқарған. Әр рудың өз қожасының болуын осымен ғана түсіндіреміз. Қожалардың қазақ қоғамындағы рөліне қатысты олардың сопылықпен қашалықты арақатысы бар екеніне де мән беретін уақыт келді. Бұл жөнінде жастан марқұм болған маңыстаулық зерек ғалым Кондыбай Серікбөлдың қазақ хандығының құрылымына ноғайлы кезеңінен қалған Есен-қазақтардың идеологтары болған сопылардың бірден бір араласы болу мүмкіндігін жазуы назар аударуға тұрарлық. Тіпті, қазақ қоғамындағы қожа институттың қашан, қалай пайда болғанын араптармен ғана шектеу күмәнді екеніне зерсалатын уақыт туды. Қожалардың өздері мұсылмандық идеологиялық институт болса да, тарихи терендігі одан әріде жатқан сопылық институттың ықпалы басымырақ болуы әбден мүмкін. Сайып келгенде қожалық институтты қалыптастырған сопылық бастама болуы ықтимал.

**Атальық құрылым – қазақы жергілікті өзін өзі билеу институты.** Қарап отырсақ, өзбектердің жергілікті өзін өзі менгеруі сол баяғы қышлағы мен қаладағы махалласы арқылы жүзеге асып жатыр да, бұл құрылым өзбек халқын сырттан келетін идеологиялық, тіпті, экономикалық қауіптен құтқаратын бірден бір корғаныш рөлін атқаруда. Ал, бізде бұл жағынан кеңестік

қоғам орнатқан колхоз-совхоздар ресми шаруашылық құрылым болғандықтан, оларға тәуелді ауылдық қазақтардың ахуалы сол ыдыраған шаруашылықпен бірге рухани қүйзеліске түсіп отыр; ауылдағы атальық құрылымның ролі жүрдай болып, қазақтың төменгі құрылымы болып табылатын ақсақал институттының орнын колхоз-совхоздың зейнетке шыққан шал-кемпірлері ғана басып, халықтың ділінен ажыраған олар төменгі денгейдегі ұлттық қауқарды қамтамасыз ете алмай қалды. Сейтіп, қазақ жұмыртқаның ақ үзындың қорғаныштан айырылып, ұлтқа тән рухани құрылымдық иммунитеттеген жүрдай ахуалда. Егер де, бұғінгі қазақ ауылында Атальық құрылымға негізделген ақсақалдық институттың міні құрымағанда арап-парсыны жағалаған сақалды діндарлар нағыз исламдық мазмұнды сінірген ұлттың мінезі мен болмысына қарсы шабар ма еді?! Ал, ауылдық қазақы кеңістен қалаға келген жастар өгей кеңістікке тап болып, қалыптасқан бұралкы тілді, өгей ділді қауымның дегеніне мойынсұнып, өзге тілге бет бұрып, өгей менталдық құлыққа амалсыз қондігіп, бейімделуде. Бұл жағдай ауылдық қазақтардың емес, жалпы қазақтың бойындағы «мәдени шарасыздық» ретінде қабылдаған қоғамдық пікірге ұласты. Мұны зерттеген, зерделеген ешбір этноэлеуметтік ғылым саласы болған жок, болса да, жекелеген ғалымдар мен көсемсозшілер тарапынан айтылған пікірмен шектелді. Сейтіп, көз алдымызда өзіміздің өмірлік кеңістігімізден ажыраған ұлттымыздың жағдайымен санаса алмау шарасыздығы қалыптасты.

Әрине, өзбектің қышлағына қарсы біз кеңірті ауылды мысал етуімізге болады. Бірақ, бұл тамырын тереңге жайған этностық құрылымнан жүрдай, ауыл әкімінің ауызына қараған ресми мекен ғана емес, кешегі кеңестік саяси келіден шықкан «қоғамдық талқан» екенін жасырып керек емес. Мұндай «қазақы өмір ортасын» кеңес өкіметі қазақ халқының жартысына жуығын аштықпен қыру арқылы алғышарт жасағаны белгілі. Тіпті, қазақ ауылды дегенде шалғайдығы шөл мен шөлейт, сұрықсыз даланы ғана елестететін қасан көрініс қалыптасқаны тағы рас. Сейтіп,

бірінен соң бірі жасалған отырық қоғамның үдерістері тарағынан рухани тәркігі ұшыраған бүтінгі қазақ өзіне тән жергілікті өзін өзі менгеру (ЖӨМ) құрылымынан ада болды. **Өзін өзі рулық менгеру ұлттың өзіне қарсы құрылым** ретінде насихатталыш, қызыл идеология ұлттың сананы сансыратты. Дегенмен, қазіргі ауылды туыс-тамырысыз елестету қынын, алайда, ол өзбектің жаһандануға қарсы тұрарлық етене рефлексі қалыптасқан біртұтас ұлттық ағзаның жасушасында (клетка) қышлақ емес, қашан зейнетақы мен жәрдемақы береді деген тілемеск психологияны бойына сіңірген, жасампаздықтан жүрдай етілген кешегі совхоздық реесми қауымнан арыға бара алмауда.

Бір атадан тараған жеті арыстық әulet қазір бұрынғыдай біртұтас ұжымдық қауқарға ие емес, кімнің баласы қайда, калай жүргендігін тергеп, тегін түтеп, түгендер, тәртібін қадағалап отыратын «заржак шалдар» қазір көзден бұлбұл ұшты, солармен бірге ұлттың мәйері іспетті жеті аталақ тұстасы та келмеске кететін сынайы бар. **Қазақтың қазіргі рухани туыстық құрылымы той-садақаны** қамтумен ғана шектеліп примитивтік сипатқа түсті. XX ғасырдың басына тән кез келген идеологиялық-экономикалық зауалға қарсы тұру мүмкіндігі бар, әр ауылдың «қой» дейтін қожасы мен «әй» дейтін әкесі болған, ежелі шежіре шертер рухани ақсақалдың орнын, жай ғана зейнеткерлер басты. Қақпаны қаққан ұлы жаһандануға қарсы сайман ретінде ұлттың ішкі қорғанышы болатындағы жеті аталақ туыстық құрылымды қайта тулету, керісінше қазақ үшін зауал емес, саяп болар еді. Онымен бірге ақсақалдық институт қалпына келіп, халықтың рухани салауаттануы мен дәрменденуі жүзеге асары сөзсіз. Бұл құрылым қазақ халықының ескілікті есіркеу үшін ғана емес, жаңа заман талаптарына шыдас беруге кажетті ұлттың ішкі әлеуетін жаңғырту болар еді.

**Руға қозқарас.** Негізінен көшермендерге тән болып келетін рулық құрылымның мәні әлі күнгे зерттеліп біткен жок және өз бағасын алған жок. Бір қызығы, адамдар қауымының рулық бөлінісі көшпенделіктен отырықшылыққа өткенде, әлгі қауымның рулық құрылымнан ада болатынын әлі күнгे тарихшылар ескермей келеді. Қазақ халкы

XX ғасырдың көшпелі өмір салтынан ажырау дәүірі ретінде сүріп өтті. Ал, жаңа ғасырда қазақтар толықтай қоныстанып бітумен бірге, көшермендік басты ұстанымның бірі – рулық бөліністен ада болуда. Бұл біздің халық үшін қаншалықты пайдазиян екендігі өз алдына бөлек әңгіме. **Жалпы, ру** дегеніміз – қазақтардың бір-бірінен жіктелу үшін ойлан тапқан басқатырысы емес, керісінше, көшпелі қоғамның генеалогиялық, әкімшілік, әскери, тарихи, әлеуметтік, тіпті, идеологиялық салаларды қамтыған біртұтас мемлекеттік-әлеуметтік жүйесі екендігіне қозжеткізер кезең келіп жетуде. Сөйтіп, көшпелі қауымды отырықшыл мемлекеттік құрылым қеулеген кезде, рулық жүйе өзінен өзі жойылып, онымен бірге көшермендік өмір салты мен санасты хош айтысады. Сондыктан, рулық шежіреге бір шалдан тараған жүрттың тізбесі деп қараша қаншалықты қисынсыз болса, тізбені ойдан курай салған есімдер тізімі деу де соншалықты түрпайы. Өйткені, рулық бөлініс – ең алдымен біртұтас көшпелі қоғамның құрылымдық жүйесі. Сайып келгенде, руға қозқарасты қазақтың ұлт болып жылдасуына кедергі ретінде қарамай, оны жаңашыл санамен саралай, заман қағидасын колдана отырып, сәйкес түрдегі генеалогиялық, әкімшілік, әскери, тарихи, әлеуметтік салалар бойынша сараптап, ел пайдасына икемдей таратуды ойластыратын үақыт жетті.

**Рулық жүйенің акыры мен Аталақ жүйенің болашағы.** Рулық жүйе аттылар (номад) мемлекетінің құрылымы болғандықтан, оны ығыстыратын да басқа жүйе. Дәлірек айтсақ, қазіргі заманың өмірін билеген отырықшылдық өркениетті жүйе бұдан былай рулық бөліністің тамыр соғуына бірден бір қарсы жағдаят. Оны қазірдің өзінде ырықты экономикаға бет бүрған қоғам әкілі ретінде көріп отырмыз: ру түгілі әүлеттік байланыс үзіліп, отбасылық топтың өзі әрі-сәрі күй кешуде. Сол себепті, рулық ұжымдасу келмеске кетуі ғажап емес құбылыс екеніне қоз жете бастады. Дегенмен, тарихи кез келген құбылыстың жаңа жаманға бейімделе алу мүмкіндігі бар. Алайда, бетімен кеткен рулық жіктеліс саяси құбылыстың көрінісі ретінде әлсін әлі шаң беруі де әбден мүмкін.

Жасыратыны жок, қазіргі қазақ шежірені білуді насихаттаса, екіншісі оны рулық жіктелу деп ұғып, өз тарихынан ат-тонын ала қашып жүргені. Бұл «ауруды» о баста кеңестік шовинистік идеология енгізген болатын. Енді, сол «аурудын» асқынғаны сондай, ру туралы не айттыса да, мән бермesten ат-тонымызды ала қашатын қүйге түстік. Бұл да қазіргі казактың тәуелсіз ұлттық идеологиясының қалыптаспағанының және отарсызданды насихатының жүрмегенін көрсетіп отыр. Осы жерде бір мәселенің басын ашып алған жөн. Шежірені білу керек пе? Ол жіктелуге жата ма, ұлттық ұжымдасуға керегар ма? Шежірені қарапайым қазаққа қаншалықты білу керек? Білу керек. Кімге қаншалықты қажет болса, оған соншалықты білген жөн. Алайда, оны әркімге, әсіресе, жас үрпакка 25-30 үрпакты қамтитын үзын сонар «қара шалдар тізімін» жаттатуға айналдыру артық. Қазіргі үрпак үшін өзін косқанда 7-8 үрпакты қамтитын жеті аталақ шежірені ресми түрде (*minni, оқу бағдарламасы негізінде*) білдіре, өзінің тегі қайдан шығатынын білгізудің өзі бірталай сауап болар еді. Сонда шежіре жайғана тізім емес, генеалогиялық тазалық факторы қызметін атқармак. Біздің бұл әрекетіміз ұлттымыздың әжетке жарайтын артықшылығын халықтың гендік тазалығын арттыруға қатысы бар **геноэкологиялық сайман** деуге әбден болар. Бұған қоса айтарымыз – тарихқа тайпалық бірлестіктер мен тайпалар тарихын, рулық қауымды беріп, оларды тарихи мұрағатқа өткізу керек. Айналыста жеті Аталақ құрылым мен шежіре қалса – жеткілікті. **Шежіре тарату** (яғни, жеті атаны білу) әлі рулық жіктелу емес. Рас, рулық жіктелудің «көкесі» – ұлттымыздың осы қоғамдық құрылымын қазіргі билік жасақтайтын сайлауға қатыстыру немесе мемлекеттік қызметке қызметкер іріктеуге қолдануда жатыр. Сонымен бірге, ұлттық санада қалыптасып қалып отырған, шежіре тарату мен рулық жіктелуді шатастыруды тыятындей әрекет қажет. Бұл жағынан алғанда, рулық жіктелу казактың басындағы сорға айналды дегенге сену ертерек, 2004 жылы откен Мәжіліс сайлауында, Қызылорда

облысы ешбір рулықка бармай, Алаштың кос арысы Мұқтар мен Тоқтарды таңдауы сүйіншіті емес пе? Ендеше, ұлттың осы құбылысын одан әрі неге маздатпасқа?

**Шежіре таратудан аталақ ұжымдасуға.** Әрі-беріден соң бұл жеті аталақ ұғымды шежіре тарату аясынан төрі аталақ ұжымдастыруды қолдана отыру да, мемлекеттік, ұлттық тұрғыдан әлеуметтік мәселені шешпуде бірқатар роль атқарар еді. Сойтіп, руды жіктелу қозінен ұлттық генеалогиялық тұтастық органды етуге икемдеудің ерсілігі бар ма? Басқаша айтқанда, рулық ұжымдасуды тарих қойнауына беруге асықпай, оның ұлттықтың айналар тұсын қайта тұлетіп байқаудың ерсілігі де жоқ, зияны да болмауы керек. Олышін рулық ұжымдасудың рулық жіктеліске апарар зиянын кесіп тастап, пайдаға асырудың жолын қарастырған жөн. Оны жүзеге асыру үшін жеті-сегіз үрпакқа дейінгі аталастар қауымдасып, ақсақалдар алқасын құрып, оның қызметін әлеуметтік, туыстық, имандық, мейірбандық тұрғыдан адамдардың бір-біріне деген жанашырлығын қалыптастырып дамытуға бағытталған шараларды іске асыратын тетікке айналдыруға әбден болады. Алайда, мұндай жайт қолға алынар болса, рулық-тайпалық деңгейдегі қауымдасуға шек койылғаны дұрыс. Өйткені, ол жағдай көптің азға әлімжеттік жасауын жүзеге асырап құралға айналуы мүмкін және ұлттық ірі тайпалық жіктеліске итермелеп, ірітуге апарып соқтырады. Сол себепті де, қазір ұранға айналып кеткен тайпалық этнонимдер әлгі жеті-сегіз үрпактық деңгейден әрі жалғаспай, одан әрі жаңа аталақ тармакқа бөлінуі тиіс. Аталмыш идея ұлттық рулық-тайпалық жіктелістен арылту мен оның ішкі рухани бірлігін нығайту, рухани-әлеуметтік салауатын арттыруға қадам деп қана қарастыру керек. Мұндай нақты мемлекеттік-ұлттық мұддені қолға ала отырып, бейресми түрде тайпалық-рулық құрылтайларды болдырмауды ресми шектеу азбал іс болар еді. Осындай істермен шаңырақ қасиетті ұғымнан ұлттық бірегей брендке айналытын рәміз болмақ.